

國際佛光會寶塔菩提讀書會

星雲大師
六祖壇經講話
第二品 般若品無相頌

109.02.11

六祖壇經般若品無相頌

- 『說通(29)及心通(30)，如日處虛空。
- 唯傳見性法，出世破邪宗。
- 法即無頓漸，迷悟有遲疾。只此見性門，愚人不可悉。
- 說即雖萬般，合理還歸一。煩惱暗宅中，常須生慧日(31)。
- 邪來煩惱至，正來煩惱除。邪正俱不用，清淨至無餘。

- 菩提本自性，起心即是妄。淨心在妄中，但正無三障(32)。
- 世人若修道，一切盡不妨。常自見己過，與道即相當。
- 色類自有道，各不相妨惱。離道別覓道，終身不見道。
- 波波度一生，到頭還自懊。欲得見真道，行正即是道。

註釋

- (29)說通：能以善巧方便，隨順眾生根機而說法無礙。
- (30)心通：又稱宗通。遠離一切言說文字妄想，悟證自己本性，稱為心通。
- (32)三障：障礙聖道、善根的煩惱障、業障、報障。

- 自若無道心，闇行不見道。若真修道人，不見世間過；
- 若見他人非，自非卻是左。他非我不非，我非自有過。
- 但自卻非心，打除煩惱破。憎愛不關心，長伸兩腳臥。
- 欲擬化他人，自須有方便。勿令彼有疑，即是自性現。

- 佛法在世間，不離世間覺，離世覓菩提，恰如求兔角。
- 正見名出世，邪見是世間，邪正盡打卻，菩提性宛然。
- 此頌是頓教，亦名大法船。迷聞經累劫，悟則剎那間。』